

Պոլիս կը հասնի (Ժամանակագրութիւն էջ 175) Հոռմէն Զաքարիա Վանեցին, որ Մելքիսեղեկ կաթողիկոսի կողմէն Հոռմ զրկուած էր, և 1611 Յունիսին Կ. Պոլիս գալով, անկէ անցած էր Հոռմ, ուր հասած էր 1611 Օգոստոսին:

Հոն եօթը ամիս մնալէ յետոյ 1612 Մարտ 27ին Ծաղկազարդի օրը՝ առանց զատկական հանդէսներուն սպասելու՝ անիկա ստիպուած էր մեկնիլ Հոռմէն, վասնզի, ինչպէս իրեն Կ. Պոլսէն ուղեկցող Սիմէոն գպիր Լեհացի կը գրէր, «մեծ խռովութիւն և շիտք անկառ Զաքարիա վարդապետին հետ իւր հարեղից՝ վասն յիւր և անզգաւ կնոջ մի որ շրջէր ընդ իւսս, կոյս և հաւաստիւր անուանելով զիւնի, մինչ չար հաւքաւս այս եհաս ականջս Փափին, զոր հրատայեաց ինչ և առուր և զանեղ Հոռմայ, և էր Ծաղկազարդին շարսքն» (ՀԱ. 1934 էջ 69):

Հակառակ ասոր սակայն Պապը անոր կուտայ առ Մելքիսեղեկ կաթողիկոս ուղղուած թուղթ մը և նուէրներ, որոնք Զաքարիա աննելով կը դառնայ Կ. Պոլիս, և ինքն հոն կը մնայ, և նուէրները կը զրկէ կաթողիկոսին, և կը հաղորդէ Պապին, վասնզի Կ. Պոլսոյ մէջ անիկա բոլորովին մոռցաւ իր պաշտօնը և Խուլին և Դարանաղցի միանալով մեծ խռովութեան պատճառ եղաւ: